

國

朝

詞

綜

國朝詞綜卷三十一

青浦王昶纂

江昉三十七首

沈大成三首

江昉

字旭東號橙里又號硯農歙縣人寓居揚州候選知府有練溪漁唱三卷集山中白雲詞

卷一

沈沃田云橙里少嗜倚聲饒有清致剡鉢肝腎磨濯心志蓋幾幾乎追南渡之作者而與之並雖自汰甚嚴所存不啻半珠一粟而其苦心孤詣善學古人審音者固望而可知也練溪在歙之北鄉江氏世居于此故以名其詞云淮海英靈集云橙里意境清遠慕姜白石張叔夏之風其詞清空蘊藉無繁麗昵衰之情除激昂踴躍之習可謂卓然名家

柳梢青

風約簾衣嫩寒生悄愁鎖眉低何處閒尋春懷如夢悞  
了鏡期冷烟芳草凄迷殘照裡鶯聲亂啼最是銷魂  
綠楊隄畔紅板橋西

八聲甘州

懷黃夢珠漢上

悵花前兩度換東風虛負翫花辰記青尊邀月紅闌譜  
字白雪吟春共數同心晨夕委欵拂芳塵一別渾如雨  
那不思君最是臨高遠溯望空波淼淼烟暗遙津對  
西窻無緒啼鳩訴黃昏想江城落梅飄處算幾番飛夢  
入湘雲銷疑久憶年時事獨掩重門

疎影

淨暉亭賦竹影

蕭瑟滿壁訝雙身个个如許欹側一樣清圓移過闌干  
青鳳林中飛出幾枝劃破苔茵冷瘦盡了夕陽疎密是  
誰模露葉烟姿活脫墨痕狼藉夢託瀟湘遠岸虛沙  
晃月處斑淚偷滴搖漾無聲一任風篩依約翠侵簾隙  
迷濛十畝秋陰裏更悄浸漪漪寒碧最夜闌雲掩晴輝  
獨向小階難覓

木蘭花慢

秋帆和厲丈樊榭

近蒹葭野岸展十幅挂檣竿慣遙障隄痕低遮鷺浴高  
拂雲寒爭先驚飛雁底帶蕭蕭落葉下江干惆悵登樓  
望眼幾番張盡涼天悠然波靜遠如閒宛轉度楓灣

指一片斜陽參差影裏回首鄉關空懸離愁渺渺任西  
風送客自年年畫出瀟湘數點依稀沒入蒼烟

高陽臺

贈素蘭席間賦

乍苗瑤房初調玉軫永褪淨浣織塵雅不成嬌飄飄翠  
帶輕分曲闌響佩東風外似飛來空谷香雲兩眉尖瘦  
彈春山澹掃秋痕 洞花幽草羞窺面愛生來靜婉不  
惹遊氛試捲晶簾娟娟涼月宜人十千斗酒通宵醉解  
金貂誰換温存趁苦階嫩綠纒鋪暗感湘囊

玉漏遲

伊人秋水遠相思迢遞茂陵心眼悄對釭花獨自覺難

消遣枝上紅稀翠暗蝶夢繞梨雲秋苑愁莫翦花陰月  
冷錦箏彈怨 舊時曳雪歌雲悵三疊陽關一聲河滿  
似草春懷又被東風吹徧書劍天涯去後何處覓試香  
庭院簾半捲怕聽杏梁雙燕

一萼紅

秋日招諸吟侶蜀岡野眺薄暮放舟紅橋  
入北關由小秦淮就岸各賦一闋書事

一枝藤點蒼蒼葉路塵夢恰教醒山翠迎人松聲送響  
苔級如喚先登蘆漪外涼花颺雪好襟懷瀟灑落寒汀  
水寺疎鐘平林棲鳥烟冷秋屏 載取夕陽歸去任啣  
啞柔艸搖碎青萍風清蓮裳露隄蓉面誰憐柳髮星星  
驀然驚木樨剛放可憐人香裡化飛英回望樓痕幾曲

杜牧三生

風入松

沈沃田步履尋幽圖

輕衫戀體稱閒尋緩步過前林白雲不埽橫眠懶看晴  
天一片疎陰犖确斜穿曲徑碧空澹抹遙岑長風涼  
灑動松吟雅韻寫秋琴流泉浣斷塵飛處笑人間何事  
關心影帶夕陽歸去知君更住幽深

淒涼犯

秋草

淒迷望極平原外亂葦一片聲急長亭怨滿王孫去後  
無情自碧蒼茫暮色襯殘照荒涼漸殂黯黏天遙連寒  
陌隱隱問沙白回首芳堤畔慣碾香輪飛花狼藉斜

川韋曲甚青青舊時游歷昨夜新寒怕匝地霜華乍入  
又西風遍野暗翦更瑟瑟

醉花陰

蓼花

搖曳汀沙霜落候開遍烟江口翦碎碧天霞幾簇紅疎  
鷗外斜陽漏低窺鏡裡波痕縐冷浸燕支透獨客暗  
銷凝葉葉西風點點秋容瘦

玉漏遲

悼吳葑田

秋來吟興悄詞人跨鶴玉簫聲杳淚灑西風恨入夕陽  
衰草記昨帆回漢水謔秀句相逢一笑情正好零宮斷  
羽忽傷同調無端驟雨摧殘嘆瞥眼光陰夢驚窗曉



曲逕花深那得吟魂重到欲寫琴絲怨滿又石砌哀蓋  
鳴蚤愁莫掃江上亂雲紫繞

蝶戀花

映蝶花

綠樹陰陰春欲暮石鱗闌根慣是伊開處粉翅翩翩渾  
似舞隨風未許雙飛去 門草人來深院午一笑生擒  
錯認尋香侶夢入羅浮山下路芳魂只在花房住

憶舊游

西陵在大湖西北南面具區余書莊在山  
下門外波光萬頃浩浩森森不可窮極湖  
中艤船張六道帆任風所之朱檢討云到  
得石尤風四面艤船打鼓發中流又小姑  
腕露金趺脫帆脚能收白浪中是也七十  
二峯羅列指顧莫釐縹緲正當樓遙峙白  
浮米堆雅宜諸峯翠色接簷際山谷迴環  
數十里居人盡種梅爲業山根沿水處辨

桃連綿紅霞二十里，澗漾波影中。垣內梅  
數百樹，桂數十本，枇杷數十株，竹數畝。間  
以長松、高梧、紫籐、碧蔓、清陰、漲地，無分春  
冬。嘯詠間，頗得琴書幽趣。偶憶及此，不勝  
過眼烟雲之慨。爰製此詞，以誌前蹤。云爾。

憶湖光瀉練山影，堆螺瀟酒人家。荷笠鋤雲外，記疏泉

灌藥，就地分花。有時喚鶯聽水，一石枕烟霞。更石壁

湖

東精舍

垂綸五湖風起，閒泛秋艇。

堪嗟屢搔首，料舊盟

鷗鳥猶戀春沙。俯仰浮生事，好林泉誰侶。負了雲涯。松

間夜眠孤鶴，暝月冷筇筴。縱夢到巖扉，應教一片雲牛

遮。

### 清平樂

曲闌間凭心事還重省花裡嫩鶯啼不定攪亂夕陽紅  
影 誰家翠管吹愁一庭烟草如秋欲去登樓望遠暮  
雲遮斷芳洲

又

新陰滿徑月底花篩影寂寞心情憑自領小院無人春  
靜 海棠開到三分憐他伴我溫存始解華胥是夢曉  
風吹破行雲

菩薩蠻

中元夜對月

一丸孤月生光悄濕螢點點浮烟草清影散窻紗新涼  
入硯花 多少秋來意都在蛩聲裏幾度怯微吟階前

露又深

一枝春

洋楓本小葉繁芽初發如燕支春深轉綠海賈載來購之甚不易得因賦此闕以記草木之殊異也

丹鳳梭翎是誰乘萬里星槎偷取迴風似舞翦碎海天  
霞縷石家慢數縱七尺珊瑚輸與看最好照影扶疎畧  
借夕陽低護 猩紅漸無尋處到春深試驗綠陰同賦  
相思葉上秋老恰難題句遙情擬託應夢杳雲濤烟嶼  
還錯認玉洞初開桃花帶雨

臺城路

雪徑

側寒移步支筇去紆迴暗穿林宵軟玉遮籬濕銀隱屐

踏碎梨花多少綠階正好愛疊疊勻鋪謾隨風掃一綫  
光分竹間翻影漏斜照天教放晴入畫粉痕鈎瘦綠  
蘭出疎草密綴苔枝圓凝凍蕊欲透先春信蚤夜來淨  
皎和月色磨成恍然侵曉獨自行吟滿襟清興悄

清平樂

家冷紅上舍歸杭

怕聽檐鐵雨打黃花節況是青尊重話別酒到愁腸先  
結明朝分手秋潭霜清月皎波寒搖醒蘆邊歸夢一  
帆風送江南

風入松

新秋集小酉藏書別館遲杉亭不至

濕雲歛盡雨初收碧宇空浮薄涼次第侵羅袂話殘陽

別館偏幽暗裏砌蛩交語晚來月暈通秋  
西風吹過  
小紅樓敲響簾鉤新聲慢擬閒宮徵按清商一調伊州  
悵望詞仙白石藕花深處勾留

憶蘿月

嘹嘹征雁蕭瑟殘蘆岸迷入暮雲孤影斷望盡倚樓心  
眼  
屏空舊夢難成筆悽燈暗愁生幾陣梧桐夜雨隨  
風攪作秋聲

一萼紅

茶烟

鎖憲寒惹翩翩老鶴引頸避松關似霧遮籬疑雲展岫  
依約低抹林端竹爐畔幾番候火颺縷縷清響沸龍團

穀雨晴初楝花開後小榻吟邊 庭角夢回長晝訝微  
陰作暝吹墮檐前蟹眼頻翻鰓鬚乍捲剛逗銀葉香殘  
更一種隔紗嬈嬈帶蘭風散入晚春天喚起當年桑苧  
共品山泉

探芳信

酒旗

出林杪颺半幅輕風一竿殘照認水村山店閑愁頓如  
掃紅闌綠檻香醪字慣引嬉春蚤習疎籬弱柳高牽晚  
烟低裊 花雨繽紛開展浮拍心情豔游懷抱試問當  
鑪可有翠鬟妙憑空也學秋千影搖曳憐伊小踏芳塵  
日日招來醉倒

洞仙歌

初冬招看雲春橋杉亭寶所家玉屏集湖上各賦一闕

湖天雲淨正小春時候一片殘陽戀疎柳漾晴瀾搖入  
荒徑寒汀擊畫櫂作弄蘋翻菰皺登臨纔幾日秋去  
無憑猶剩黃花較人瘦簾密捲西風倒影芳尊認隱約  
隔江眉秀看遠樹爭喧亂昏鴉蚤野寺烟林半規蟾漏  
清平樂 嚴灘舟中聽雪

打窗盈耳騷屑風聲裏寂寞青燈人獨倚雲外夜寒鴻  
起天涯身在孤篷剡溪有夢潛通最是清吟未了曉  
看玉琢千峯

齊天樂

秋水



浸空愁已隨流杳西風驀然吹轉乍沒蘆磯還平蓼渚  
攪得殘陽都亂寒光片片怪誰把并刀夜來都翦驚起  
眠鷗和雲掠去楚天遠 眉痕最憐淡埽正菱銅淨拭  
消瘦難掩遙念伊人寄緘雙鯉尺素休教輕濺彎環斷  
岸又一葉浮紅頓成悽怨記載盈盈隔花催燦暖

點絳脣

雀舫烟篷載詩嬾向旗亭醉高樓獨倚落葉西風裡

滿耳秋聲攪亂愁人意涼如水碧天鴻起明月空千里

綺羅香

欄

詰曲圍春玲瓏界月亞字形分十二玉榭雲廊常伴簾

衣垂地夾畫舫六柱中開籠紺塔七層空際又誰家小  
徑初晴有人繡罷倦頻倚前宵偷按樂府記得低揚  
試拍釵聲敲碎不礙看花祇隔染裙湘水風惻惻嫌爾  
侵涼酒灑灑賴伊扶醉正庭邊紅葉翻時斷香飄暗裏

又  
簾

細擘湘痕淺緹吳帶滿軸織成纖軟幾日春寒垂到試  
燈深院眼潛通澗灩雙波愁隔斷玲瓏千片晝沉沉金  
鴨香溫不教裊裊篆痕散翩翩來去紫額欲向蘭闥  
喚夢爭窺人面報道花開一笑風前齊捲縱玉葱早起  
高懸怕銀蒜夜還低腕待量來百解明珠倩誰穿繡綫

買陂塘

蘆

一枝枝荒江送響記曾搖過烟艇雪花點點偏侵鬢飄  
泊斷篷殘梗看弄影更瑟瑟蕭蕭攪亂斜陽冷空波萬  
頃慣曳轉西風拍來疎雨引領入詩境 關鴻蚤辛苦  
銜將路迥圓沙棲也難定月明塞管吹寒夜多少征人  
愁聽鶯夢醒又幾葉敲窗喚起吟秋興遙山掩映認魚  
浦鷗鄉參差遮斷極目水天暝

綺羅香

餘花

葉密藏香風翻漏影慢認紅英飄泊蜂蝶難窺一片綠  
雲迷却賸幽姿偷綴林間鶯冷艷倦舒闌角縱嫣然怕

展芳心空教悞了燕鶯約  
日長深院靜悄簾外金鈴  
暗響猶懸朱索小朶伶俜應怨春歸寂寞弄晴陰細雨  
黃梅籠近遠輕烟翠幙似多情伴我微吟一枝和露落

玉漏遲 雪珠

翦水僊人技飛翼六出飄空游戲碧落寒凝粉蘂未花  
先墜

釋名水下遇寒而凝寒甚則爲粒珠寒淺則爲花

萬顆冰丸擊瓦漸灑遍

謝孃庭砌應慢擬風前詠絮香痕彈淚 待將十斛量  
成縱畏就鮫綃共愁誰寄繡縷難穿空拂晶簾垂地凍  
合陰雲作暝更瑟瑟敲簷聲細闌獨倚暗聽亂跳還碎

買陂塘 蕪花

愛平鋪水明沙淨葉分十字偷聚風漪翠影烟如織小  
樣白蓮無數花放處早鷗夢驚回幾陣橫塘雨冰雕雪  
縷慣弄影邀涼吹香潤碧點點破殘暑 江南種付與  
蘇潭深貯託根不染塵土尊絲苻帶難相並輸此清標  
幽素還認取盡翦碎秋雲點綴湖天暮輕橈盪去載山  
色青青玉纖采摘和月澹遙浦

月邊嬌

白燕

玉羽翩翩拂幾陣嬌寒梨花斜頂迴風軟語招涼綺袂  
乍合乍離難定沉沉院宇恍認墮雕梁雲影參差起處  
早一翦分開烟暝 好教向夜低窺水晶簾捲琉璃窗

迥重來王謝依然門巷換了雪裾霜領香泥舊壘也料  
是烏衣羞並愁侵片月隔畫闌偷映

摸魚子

月夜登金山集山中白雲詞句

艤孤篷水平天遠古臺半壓琪樹石根清氣千年潤禪  
外更無今古浮淨宇對此境塵消江影沉沉露停杯問  
取任一路白雲爛然水潔空翠灑衣屨 凭欄久說與  
霓裳莫舞此時心事良苦蒲潮夜湧平沙白落葉空江  
無數還自語聽虛籟泠泠無避秋聲處離情萬緒正獨  
立蒼茫嗚嗚歌罷小艇載詩去

高陽臺

上巳紅橋遲素蘭不至集山中白雲詞句

花引春來山邀雲去烟波自有閒人獨立東風輕衫厭  
撲游塵起香隨粉都行遍細看來不似桃根艤孤篷鶯  
柳烟隄流水中分芳心一點誰分付料因循悞了臨  
水漪裙油壁相連幾回錯認梨雲妝樓何處尋樊素望  
中迷花密藏春黯銷疑南浦歌闌簫鼓黃昏

沈大成

字學子號沃田  
金山衛人監生

高陽臺

辛巳夏雨中集榮木軒時將歸華亭卽席  
話別

燭影分簾檐聲瀉瀑麗譙銀漏將沉自客蕪城年時有  
幾題襟黃梅雨洗紅蘭冷卷湘簾淺酌高吟却銷凝柳  
暗江頭離思難禁竹西歌吹繁華處笑杜郎客裏常

倦登臨白髮玲瓏耐他孤檠疎砧抽帆頻問瓜洲渡肯  
相忘垂老同心記重來籬菊江楓雁語秋深

水龍吟

癸未長至前五日杉亭春農耦生同集對  
琴草堂因譜此闕

巷南別館清幽小簾細雨陰陰地薄綿猶御生衣未試  
孰梅天氣近局相招良辰可愛褰裳同至正戎葵開盡  
高梧新竹闌干外堆濃翠京雒積年別久數前游心  
頭眼底風吹疊鼓龍舟午鬧轉添吟意活輩穿莎鮮鱗  
透網江鄉佳味夜何其莫管嚴城柝急爲公沉醉

疎影

雨中同人集程筠榭生兩安居

瀟瀟未歇正濕雲若夢烟水空濶門茗垂琴長日無聊



愁煞街南泥滑疎簾清簟松篁裏恍置我倚然林樾逗  
層軒燕子才歸又聽數聲啼鴉 難得主人好事擘牋  
更洗盞爲聚帚屐彩筆橫飛晝刻初移散落滿堂香屑  
謂杉亭舍人 由伊捉麴傳新格已判卻井中投轄況漳蘭開  
近屏風花氣晚來清絕

國朝詞綜卷三十二

青浦 王 昶 纂

史承謙 二十八首

儲國鈞 一首

任曾貽 二十三首

史承豫 四首

史承謙

字位存宜興人諸生  
有小眠齋詞四卷

儲長源云位存以熏香摘艷之才爲滴粉搓  
酥之用優游漸漬久而益專其于南渡諸家  
不屑屑句摩篇做而一種幽情逸韻流于筆  
墨之外蓋能自出杼軸而又得體裁之正者  
史衍存云位存兄精于倚聲之學自南唐  
兩宋迄昭代諸名家靡不搜采研誦吸其  
精英而淘洗出之高者直軋白石梅溪次不  
失爲竹垞華峯諸前輩語梁溪杜丈雲川推  
爲近代第一作手非虛譽也

南歌子

月上輕羅扇涼生小畫衣玉腕又重攜曲池風不定水  
螢飛

又

茜袖凝香重銀燈照影嬌人去月痕消畫堂空似水可  
憐宵

百字令

令橋曉發

布帆清曉小橋頭還聽半江潮送辜負新來鴛被底多  
少桂花涼夢滿袖霜華一船烟月不奈羈愁重長卿游  
倦空憐琴劍孤擁因甚飄泊輕裝小長干外日日閒

飛鞚淡粉輕烟消歇了那有翠翹釵鳳桃葉難迎莫愁  
遙隔別思無端湧忽添淒怨阿誰玉笛偷弄

瑤華慢

郊園見梅同長源賦

暹年殘景三九初交東閣還淒寂暖光晴晝全不似風  
雪來時寒色春愁預惹待重理何郎吟筆不知他何處  
香來竹外一枝先得 全身小映清池看蝶影橫斜粉  
光如拭清姿消瘦應未許此際偷吹橫笛水村山郭想  
更有千株欹側約明朝小酌休遲去訪石亭消息

祝英臺近

碧鮮巖相傳爲祝英臺讀書處明邑令  
谷蘭宗先生鐫一詞於壁秋日過之因  
和原韻

楚雲歸湘佩杳芳意寄瓊著碧蘚蒼苔曾記讀書處未  
輸錦水鴛鴦花叢蛺蝶長自向春風容與便應慮畱  
作粉本流傳千年賦情語縹緲青鸞應把舊游覩祇今  
月冷空山香消幽谷想猶有凌波來去

小重山

閒倚風前數落紅殘寒猶未去酒尊空竹聲都在畫廊  
東春庭月無夜不朦朧獨自理薰籠合歡人去久與  
誰同清宵迢遞最愁儂書應寄何處覓征鴻

滿江紅

纔說春來轉眼又送春歸去算幾日淡紅香白鬥他眉

嫵被襖洛濱游已散  
前裙消水人何處  
料卿卿應向瑣窗  
眠吹香絮  
知多少閒情緒都付與新詞句  
歎朱顏非舊韶華空度  
更不推辭花下酒  
最難消受黃昏雨  
悶懨懨和夢聽鶯聲空無語

采桑子

鬱輪袍曲當時譜  
淪落天涯  
侍酒隨車  
誰問行吟到日  
斜  
從教年少傷遲暮  
怨入悲笳  
淚滴寒花  
漸漸逢人說鬢華

踏莎行

荷髻翻新裙花露  
舊朝來倦把珠簾捲  
因循飄過棟花

寒沉吟猶記櫻桃宴 待贈名香索題紈扇何因並坐  
深深院尊前酒態到濃時依稀斗帳春風面

一萼紅 桃花夫人廟

楚江邊舊苔痕玉座靈跡自何年香冷虛壇塵生寶曆  
千秋難釋煩冤指芳叢飄殘清淚爲一生顏色悞嬋娟  
恩怨前期興亡閒夢回首悽然 似此傷心能幾嘆詩  
人一例輕薄流傳雨颯雲昏無言有恨凭闌罷鼓神絃  
更休題章臺何處伴湘波花木暗啼鴉惻悵明璫翠羽  
斷礎荒烟

臺城路

甲子秋寓金陵蔡氏水亭有句云三秋絲雨侵孤館一樹垂楊見六朝極爲江楓南

先生所賞丁卯秋重至垂楊如故亭沿依  
然不勝今昔之感詞以寫懷并邀充仕韡  
懷同賦

槐花忽送瀟瀟雨輕裝又來長道水咽青溪苔荒露井  
故國最傷懷抱登臨倦了只一點愁心尙畱芳草斗酒  
新豐而今慚愧說年少何應重過小駐看紅闌碧浪  
眉影如掃潘鬢經秋沈腰非故應笑吟情漸杳柔絲細  
裊是幾度西風幾番殘照司馬金城劇憐顛頓早

玉樓春

年來不覺歡情減太息韶華真在苒淒迷只似雨餘花  
涼冷略如秋後算酒醒多分愁依黯那得芳尊時澹



蘼蕭蕭瑟瑟到三更蟋蟀聲中燈一點

謁金門

涼滿院雨後碧雲齊捲蓮葉東西飛月淺紅粧窺半面  
香氣因人近遠隨意曲闌凭徧團扇先秋生薄怨小  
池風不斷

鵲踏枝

乳燕初飛春已去羅幕低垂消盡沉烟縷千蝶帳深繁  
夢苦倦拈紅豆調鸚鵡凝望碧雲將薄暮記否西窗  
一夕消魂語夜合花時芳訊阻有情明月無情雨

雙雙燕

立甫三月中來荆溪泊舟紅橋半月別去  
昨過其地凄然感懷因約長源同賦

春愁易滿記紅到櫻桃乍逢歡侶幾番攜手醉裏聽殘  
杜宇曾向花源問渡是水國風光多處可應酒帶香畱  
不記江南春雨酒帶香畱又一年立甫句也南浦清陰如故誰料  
得重來暗添淒楚月篷烟擢載了冷吟人去可惜千條  
弱柳更難繫輕帆頻住如今綠徧橋頭盡作情絲恨縷

鵲橋仙

經時消渴連宵中酒未試醪醑新釀日長慵啟小簾櫳  
聽雨點綠陰中響好花輕謝好春間過總是淒涼情  
况試教說向玉樓人怕感損橫雲眉樣

石州慢

歲暮寄廣陵同學諸君

寒掩空庭迴首清游轉添凄咽故人雲外難期歲晚疑  
情空切愛閒多病十年不到揚州清狂杜牧還傷別把  
酒慰飄零記天涯風雪 愁絕閒來擬趁沙岸雲帆江  
頭桂楫只待看燈潮穩落梅風歇隋堤攜手相邀重認  
風流絲絲楊柳應堪折二十四橋邊醉年時明月

賣花聲

獨自掩屏山香冷人閒東風應不惜花殘片片玉鱗飛  
盡也樓上春寒 疎影慣貪看折下難拚笛聲休遣近  
闌干知有一番零落恨空護苔灣

畱春令

薄羅初試深杯交勸橫波分付十二金堂小闌干偏沒  
箇畱儂處 燈前又是分攜去定有愁千縷說與今年  
小樓中第一夜聽春雨

東風第一枝

杏葉陰繁蕉心碧重東風不放簾捲尋香怕認羅囊覓  
句先題紈扇春光去也只剩與輕寒輕暖奈今宵淡月  
籠烟記起謝娘庭院 想多少年時私願又添得幾番  
恩怨相思恁日能消薄倖今生怎免歡期如夢枉負了  
當初心眼問何時嚼蕊吹花更向綺窗重見

木蘭花慢

記華燈颭影驚剗地暗塵收想乍冷笙歌間拋綵勝倦  
倚空篋羅幃夢魂牢鎖再難尋拜月小紅樓只是淒涼  
獨醉從教冷落歡游 凝眸空盼舊鴛儔忍更負溫柔  
怕梅粉飄殘蘭痕吹醒一倍春愁知否滿襟風月被燕  
猜鶯妬等閒休辜負掃眉才子遠山別樣風流

綺羅香 秦郵道中

風柳誇腰露桃呈臉倦客頓舒愁抱搖漾晴雲不定浴  
波沙鳥映水郭酒旆斜挑倚高樓黛痕初掃記春帆前  
度曾過驚心又是隔年了 佳辰何處被襖悒悒采蘭  
人遠空嗟長道官燭分煙一半韶光還好沾暮雨只有

楊花繫歸心不關芳草奈今宵向滯江臯楚天雙岫杳  
阮郎歸

香殘醉淺正無憀輕寒透薄綃謝家池館坐清宵桐花  
如雨飄 弦月下粉痕嬌倚欄聽玉簫明河影裏路迢  
迢漏長飛夢遙

探芳訊

冶城暮見衰草連波晚花縈霧指垂楊深岸重尋六朝  
路閒人莫問興亡事冷笑蘭成賦只當年璧月瓊枝竟  
歸何處 休覓歡游侶悵故苑荒涼怨歌愁舞斷粉零  
杳都逐寒潮去畫船不向秦淮泊寂寞空煙浦最傷心

詞林典故卷之三十一  
一  
桃葉渡頭秋雨

臺城路

江南五月寒如許，驚心又移芳序。梅子初黃，冰荷漸展，倦客誰題。紈素薰籠，頻貯但鎮日，惟消水沉烟縷。重試春衣如今，那是舊情緒。鶯聲尚畱深樹，笑耽詩、帶酒懶尋青羽。潤逼紅綃，香消珠絡，轉憶蕭娘眉嫵。層樓凝竚，捱不到黃昏，便添淒楚。暮靄沉沉，遠天都是雨。

解佩令 登大別山

澄江如練，碧峰孤擁。指晴川、片帆催送。轉眼春歸，奈客裏登臨誰共。踏殘芳、玉鞭飛鞚。東連彭蠡，斜通嶠冢。

古山川楚天遙控落日魚龍喚長笛一聲吹動恨茫茫  
北雲南夢

滿庭芳

燈影分紅簾痕映翠朝來獨倚雕闌詩慵酒懶誰與慰  
愁顏晴色漸甦梅柳風和雪忽又闌珊春情遠千回萬  
轉才肯到人間 斑斑聽細雨寒威未減悶掩重關歎  
鬢絲如許那禁摧殘屈指踏青挑菜西園路盼斷雙鸞  
怕伊也生生顚顚依舊鎖眉山

臺城路

同玉函飲南樓時伊將有海上之行卽和其韻

碧雲一抹斜陽外樓頭尙餘秋意挂頰微吟垂簾靜坐



領略乾坤清氣壯懷難已只猿鶴多情尊鱸饒味是處  
勾留溪山總在畫圖裏相逢且謀一醉笑投書北闕  
久知非計淡淡蘆花垂垂菊蕊爲問同心有幾商歌漫  
倚又風緊林梢月生眉際脉脉離愁酒闌鴉喚起

儲國鈞

字長源宜興人有倚樓笛譜詞二卷

瑣窗寒

哭蘭浦井邀對琴同作

瘦竹門間叢蘭砌冷故人何處離情萬縷夢繞漢陽芳  
樹甚經年信音遼邈鯉魚不溯寒江渡歎文園病久滿  
襟風月頓成千古難訴天涯苦剩梁燕空歸鏡鸞羞  
舞淒涼如許算都被才華輕悞黥衛臯無限碧雲而今

唱香江南句最可憐  
淚灑黃鸞醉鄉無伴侶

任曾貽

字淡存荆溪人諸生  
有於秋閣詞一卷

儲長源云淡岑詞剛削靡曼獨抒性靈於宋  
人不沾沾襲其面貌而能吸其神髓一語之  
工令人尋味無窮

臨江仙 暨陽道中

斷雁西風古驛暮煙落日荒城  
乍來江館駐宵程  
砧聲今夜月燈影昔年情  
拂曉片帆欲去一川流水泠泠  
蜻蛉如葉劃波輕  
亂愁高下樹飛夢短長亭

南樓令

荷花謝後有寄

風外數枝涼  
遙傳隔水香  
愛亭亭水佩風裳  
一夜曲池

千點雨畱翠盞鴛鴦 何處覓紅粧花鬢幾簇黃傍  
雕闌無限思量欲摘雙蓮憑寄與又却怕有空房

高陽臺

薄雨催晴輕陰弄晚峭寒未覺春賒行過紅橋匆匆鞭  
影橫斜門前無數垂楊柳任翠陰一半低遮最憐他照  
影清溪獨浣春紗 重來人面知何處總相思夢穩難  
到天涯陌上花開枉教盼斷香車何因得似紅襟燕認  
朱樓飛入伊家感年華開過櫻桃又到梨花

風入松

再過蒹葭庄寄諸舊游

數聲蟬噪又新秋秋水淺深流鳧誰買箇迎風棹挂輕

帆弄影中洲指點怕驚飛鷺飄零易負盟鷗園林記  
否昔曾游薄雨未全收槐花糝逕清陰合夜三更還拍  
伊州惆悵一庭烟月故人何處登樓

百字令

立春前一日寄懷儲丈滬津

短篷聽雨共江千秋晚幾番潮汐不道烟帆分別浦一  
水迢迢長隔貰酒當罍敲詩午夜彈指成今昔雙魚何  
處飄搖尺素難覓又是雪霽明窗爐溫小閣殘臘餘  
今夕想到南枝初破蕊一點新春消息穩卧湖村鬢絲  
無恙肯便間吟筆甚時花底玉尊同醉春碧

踏莎行

絮影簾櫳鶯聲門逕相逢記得清明近畫闌紅袖許雙  
凭東風也解撩人鬢 搗麝成塵分蓮作寸春光已盡  
情難盡待將惆悵託賓鴻書成又怕無憑準

西子粧

春盡絮飛畱不住因風好去落誰家到夢  
得句也偶憶是詩感而賦此

紫燕初飛朱櫻乍熟小院濃陰深護飛來點點是楊花  
趁天斜拂簾穿戶從風漫舞知蹤跡飄零何許記春前  
道不堪攀折別來無據 長亭路九十韶光驀地又將  
暮相思一點在誰家嘆匆匆欲畱難住劉郎秀句吟未  
了紅牙重譜最關情一夜蘋洲細雨

阮郎歸 宿秋水山房

征鴻飛盡月初生風欺羅袖輕一層簾捲小中庭搖搖  
燭影清銀漏促翠尊停欲歸歸未成芭蕉幾葉隔窗  
聽淒涼無數聲

木蘭花慢

看迷香小蝶傍簾影弄朝烟甚過了湔裙春來幾許已  
有啼鴉涓涓畫橋流水趁新晴準擬整吟鞵不道紅橋  
銀漢等閑辜負春妍尊前莫漫憶當年深院鎖嬋娟  
縱艷舞流風清歌叩玉今在誰邊淒然舊懽回首似東  
風零亂捲香綿惆悵尋芳未晚怎教悞了樊川

月底修簫譜

同儲長源史位存衍存飲願息齋

釀新晴催薄暮月額幾絲雨趁蝶尋香又過翠陰路眼  
看紅紫飄殘薔薇開也尙畱得春光幾許漫疑佇主  
人花底邀賓分牋共題句酒釀杯深肯便背花去儘教  
畫榼頻移銀燈再翦休更問寥寥漏鼓

鵲橋仙 憶簾

輕籠繡戶低懸珠閣一桁垂垂踈影櫻桃花下最消魂  
記相送春醒未醒吹來柳絮遮他幽夢深院無人晝  
永湯將織手捲東風愛雙燕棲香正穩

菩薩蠻

雲屏曲曲圍金屋謝娘睡起新粧束花影上春衣天然

畫折枝 輕紈霜一面  
瞥向花陰見 生小愛雙樓  
妬他蝴蝶兒

買陂塘

落花

聽聲聲子規啼罷春光已  
是遲暮花開常怕春歸早  
那更幾經煙雨惆悵處  
數廿四番風去也何匆遽  
闌干漫拊看飛絮池塘斜陽巷陌  
一片亂紅舞閒凝竚誰遣  
芳時易悞穠華畢竟辜負香魂  
萬點招難到金谷又成塵土  
愁幾許算蝶趁蜂狂總被東君  
妬鶯簾燕戶只碎錦零紅殘香  
剌粉分付斷腸句

高陽臺



雅柳搓黃天桃破碧最無聊賴春晴客裏流光匆匆又  
過清明尋香小蝶頻來去戀芳叢幾點飛英盡沉沉一  
桁珠簾數摺銀屏無端睡醒春窗夢悵雲疎雨隔蹤  
跡飄零花影闌干難忘翠袖雙憑傷心紅縷書誰寄燕  
呢喃空滿江城黯消凝目斷天涯長短郵亭

瑣窗寒

紙窗

敗葉鳴廊濃雲壓檻小窗欲暝霜風翦翦次第釀成寒  
信向疎櫺抱影凝情最愁人是更初靜怕燭燼香殘吹  
來點點雪花凄緊應省將寒屏恰幾幅銀牋倩他遮  
盡圍爐炙硯虛白乍來相映盼花開枝北枝南月明描

取橫斜影約春深聽雨挑燈故人同夜永

小重山

次金粟詞韻

風約閒雲雨乍收柳絲千萬縷繫行舟晚來無緒罷梳  
頭眉峯蹙雨點黛痕愁佳約等閒休翠梧庭院靜似  
深秋畫闌十二小紅樓人何處無語淚空流

臺城路

同史位存儲玉函徐思令飲南樓

溪光只在闌干角簾開便恹人意疎柳蕭蕭斜陽淡淡  
釀就沈寥天氣登臨未已算落拓狂蹤也餘風味數點  
愁峯叅差都入暮烟裏相逢莫悲窮約笑雜蟲得失  
肯縈心計綠酒分曹紫螯新薦良會如今有幾樓高漫

倚儘日盡孤鴻碧雲無際一笛臨風又催詩思起

滿庭芳

磊峯有懷張校書之作邀余同賦爰成此解憶事懷人益與磊峯同牀各夢也

銀簾生涼霜砧搗月偷偷秋滿庭梧一襟離思寂寞掩  
紋疏盼斷閣中錦字南來雁因甚無書空疑想樓臺卷  
畫欄檻枕清渠 吾廬歸未得吳山越水祇覺愁余歎  
年華荏苒客鬢蕭疎縱有花枝照眼尋芳懶不似當初  
閒歎枕鄉關千里夢到綠窗無

桂枝香

同李慎齋張樂義飲桂花下作

流光似箭恰乍見秋來又過秋半  
几文窗偶愁小山  
亭苑蕭蕭梧竹陰初減  
愛濃香畫闌吹遍  
玉尊今夜花

前泥飲醉巾頻岸 念此際雙溪故里有朱閣玲瓏芳  
榭委宛簾卷西風苦憶髻叢黃淺從知唾袖痕成碧便  
添眉樣應新換酒闌歸去秋窗獨卧夢長人遠

三妹媚

諫得舊詩賤賦此

蟾痕生樹杪望長空無雲碧天孤嶠趁月敲扉記謝娘  
庭院舊游曾到翠幕層層倩六曲屏山縈繞擘錦詩成  
細把重吟夜闌人杳 別後離悰多少恨峽雨難尋楚  
峯縹緲旅泊頻年剝斷紈零素攬人懷抱賦茗風流知  
甚日羅幃雙笑只有當時皓魄依然相照

甘州

庚辰再至陵陽雨訪張君莖九不值賦此簡之

笑疎狂蹤跡客殊鄉兩載石城游對荻花楓葉山濃水  
淡情滿汀洲回首風烟一壑迢遞隔書郵袞袞年華逝  
底事淹留 耆舊江東誰健有風流京兆名重南州把  
吟箋賦筆佳句日冥搜憶涼秋分襟折柳悵重來空盼  
四宜樓知何日西窗燭翦一話羈愁

高陽臺

陳漢三齋中看梅因憶故園花事之盛悵然賦此

淡日籠烟輕陰閣雨曉寒簾幙遲開索笑巡檐玉梅小  
綴珠胎常年水郭尋芳慣酌深卮吟繞蒼苔最關情卷  
畫溪山霽雪樓臺 無端又作殊鄉客憶香溫雨冷悞  
惱情懷悽指花風者回三逕徘徊一枝分向明窗底恍

故園千里春來祝東君休倚闌干橫笛頻催

買陂塘

庚辰早秋偕崔君履中由仙源赴白門情話篷窗情權甚洽此再至石城不獲把晤悵然賦此奉柬

綠陰深旅窗岑寂聽來啼鳥聲緩故人遙隔音塵杳遮  
莫舊游思徧征棹短共一葉秋帆疾比離弦箭驚濤拍  
岸指博望峯高針魚磯暝一霎暮江鷁 秦淮渡楊柳  
依依遮斷分襟何限悽惋重來露白楓丹候彈指花繁  
絮亂春又晚悵咫尺仙源別緒無由展淒涼客館只清  
磬聞雲空吟好句極目翠微遠

史承豫

字衍存宜興人諸生有蒼雪齋詞三卷

小重山

曲彖闌干一徑通  
秋花垂錦石態玲瓏  
夜分香氣透簾櫳  
湘波展人在木樨風  
欹枕聽涼蛩  
半枝銀燭影暗消  
紅合歡幽夢已成空  
無情月還過小池東

臨江仙

天上碧雲凝薄暮  
人間又近秋期  
輕衾小簾獨眠時  
暗蛩驚好夢  
涼葉墜相思  
瞥見一鉤新月影  
夜分猶照羅幃  
金波如水漏聲遲  
傾城消息杳  
愁譜玉參差

臺城路

立春日往城北探梅已成香雪臨風延佇追憶元墓舊遊乃拈此解

當窻幾疊蠻峯秀  
新晴黛痕如掃  
沅浦波明  
莎廳雪淨

拂面東風初到春。掃寫了向城北尋梅半畝茸帽一逕  
吹香玉鱗寂寂弄殘照。支筇閒歷曲窈冷蜂都不見  
芳意全少翠朶含烟苔枝却月陟憶銅坑花好舊游縈  
抱笑久客湖湘虎山橋杳遙指吳天挂帆歸趁早

掃花遊

揚州夜泊

輕帆卸罷正雨霽。隋堤野花齊發嫩黃掩却愛垂楊幾  
樹倚風堪折十二珠簾盡向斜陽高揭撚吟筆悵荳蔻  
枝頭又是春寂。紅霞橫一抹靚好景依然客懷非昔  
淚珠欲滴嘆飄零杜牧鬢絲如雪且喚吳姬玉手重彈  
寶瑟翠尊竭醉今宵二分明月



國朝詞綜卷三十三

青浦 王昶 纂

張雲錦 十三首

朱雲翔 九首

繆謨 六首

周本 一首

陸烜 七首

夏叙典 二首

夏宗沂 二首

夏葛 三首

張雲錦

字龍威平湖人監生有紅闌開詞一卷

厲樊榭云龍威有和子續樂府補題五闕其天香賦薛鏡云俗潔休磨塵輕不染讚取夜來名字深有感于余懷也題二絕句其後云蹤跡江湖燕尾船一圓相見一流連新詞合付兜娘唱可借紅牙久寂然樂笑翁今不可圓補題五闕屬清才薛家鏡子座昏後悽絕

何人喚夜來

三姝媚

高麗紙

烏鄉誰手製配霜毫年年擘供驅使月照漣漪稱展開  
爲几雪般光綴蜀郡黥川都莫向春風遙寄便薛挑戔  
花注輕紅也嫌纖膩猶憶悵痕橫起有幾筆疎疎玉  
梅斜綴孽爾分絲算龍涎同價買來京邸小格方規只  
合寫白拳詩句更譜竹枝新闕南州卷裏白玉峯拳石  
州皆高麗能  
詩者

雨霖鈴

南樵署中觀宋芙蓉石署卽德壽宮基址

炎精銷歇草離離處薛碑重剔芙蓉十丈猶畫寒蠲抱

宿向人凝咽問訊宮梅却早已花散如雪指一抹牆角  
斜陽不照蓬萊舊城闕君臣南渡甘心屈在承歡寶  
母供煙月奉華上壽那處誰信道不成王業半壁江山  
風捲雲飛都付磨滅只一拳剩話淒涼是宋偏安物

玉燭新

和南臺徐丈雪夜藝舫韻

宵牕明似晝正暮雪吹來硯池冰皺十年惜別渾如夢  
相對真堪搔首荒齋寂處笑綠鬢飄零依舊纔轉眼春  
暖冬寒飛光去來何驟當前知已無多愛繭紙分題  
碧螺行酒碎花結就疎簾下恰好黃梅開候寒侵兩袖  
忽夜半光生虛竇吟未了沉水香添忘移玉漏

長亭怨慢 秋柳用姜白石韻

故情歇了無飛絮舊日春葦是誰庭戶一夢青樓而今  
重見料難許雁來秋矣怎喚取啼鶯樹莫再問靈和剩  
禿髮毵毵如此朝暮伴曉風殘月別岸酒醒堪數涓  
城休唱儘消受寒蟬分付問何時重整新粧須好倩畫  
眉夫主將軟語迴紅扶起翠環金縷

滿江紅 蘆花和今浩叔

寂莫寒塘早做就霜容一片斜陽外枯荷殘蓼助愁無  
限瑟瑟蕭蕭疑是雨疎疎密密紛如霰便空山破冷有  
丹楓難爲伴 啣未了平莎雁飄幾點離人面有誰能

畫出楚天秋晚作客可憐萍不定行蹤那得風隨轉羨  
漁翁襍被卧滄江孤舟滿

天香

薛鏡和樊榭積樂府補題

桂月涵精菱花耀彩白蘋洲上新製粉潔休磨塵輕不  
染識取夜來名字留痕顧影省借鑑清溪流水螺黛須  
描筆下晶熒勝看簾裏客牕一規乍啟似銀蟾冷光  
初洗配筒紫檀香匣伴人吟几翻笑熏爐著姓甚百鍊  
鎔成價無比小篆新銘玲瓏諦視

齊天樂

絡緯

井欄昨夜涼初轉蕭蕭又傳寒訊豆架風微瓜蒞雨細

別有新聲清韻茅堂移近並蟬訴秋懷  
葢吟秋恨不盡纏綿商音悽斷夢難準  
吳娘正勤宵紡不成絲縷處添了閒悶  
蘿蔦荒藤牽牛花暗多少關心紅粉客  
牕驚省憶午夜機聲課兒燈暈月淡星  
疎淚痕長透枕

桂枝香

銀魚

鷺湖恁早正春水曉添波面多少不信  
條條徑寸玉纖娟好半篙柔綠渾難染  
捲紗挑擢歌聲杳綠楊千縷紅橋一帶  
纒煙晴曷想當日詩成白小算杜老閒  
情吟還未到冷笑罌師諳盡雨蓑風帽  
作羹方法留佳話但空傳當壚宋嫂故  
鄉風味水西亭子夢猶縈繞

水調歌頭

樊榭新遷東園過訪留贈

問訊浣花老小築近西湖扁舟邗上過返隔歲更移居  
占得東園名勝剩話空池喬木渺渺一愁予秋老試尋  
訪落葉滿階除 詩詞稱香白雪艷紅葉吟編甲乙貽  
贈明月入簾初病起看同弱柳別去渾如過雁心事各  
躊躇刻燭可能共遲翦雨餘蔬 時贈于樊榭山房集

露華 秋露

晶瑩玉宇乍冷氣侵階滴來如雨灑地無聲半濕桂花  
香處有時散作圓珠依舊露盤流去還沾了竹間暗塵  
襪羅微步 研朱剩話辛苦只漢殿金莖詞客空賦閒

與梳翎孤鶴警唳遙浦起看昨夜團團又似送君前度  
青欲洗山容瘦添幾許

滿江紅

秋帆

蒲樣新裁展十幅慣指江頭防他是鯉魚風信剛又逢  
秋歎側纔遮黃葉渡沿洄忽過白蘋洲望明邊白鳥遠  
連空銜柁樓斜日轉影橫浮衝雁陣掠輕鷗算疾飛  
破面送盡吟眸潮落秦淮風乍正雨飄彭蠡晚爭收問  
何年佳話續乘槎凌斗牛

草窓詞白鳥明邊帆影直

洞仙歌

秋蟬

涼颼怎引鎮聽來淒切髣髴鈞簾度殘月喚尋詩蕭寺



送艇風亭雲漠漠愁憶故園初別 玉階移漸近一枕  
桃笙好夢醒來正清絕高柳碧痕疎慣得無情遮不住  
露寒聲咽算雲鬢妝成數盧家只憔悴西風怕逢人說

摸魚兒

允齋遷居鳴珂里

載琴書笨車推處隔年有約纔定藥欄幾許堪留客笑  
指數椽還稱分一徑話小翅新蟬要借高松蔭惜惜畫  
靜但墻北濃陰窻西斜照詩思暗消領 清和候流水  
門前似鏡荷池况接幽勝綠蓑青翦儂家事約爾同浮  
煙艇橋畔等算老屋東西來往堪乘興紫薇留映待馬  
首明年宮袍重換官閣又相訂

朱雲翔

字遂全元和人諸生有蝶夢詞一卷

許名崙云蝶夢詞融情鍊景刻羽引商溯權輿于李唐備體裁于趙宋擬之竹垞可與代興

東風第一枝

殘雪妨檐輕颺竹塢疎梅微逗春淺幾枝瘦骨橫斜一  
片淡香幽遠寒生翠袖似薄暮佳人凝盼憶羅浮好夢  
初回還記舊時人面情脉脉曉風宛轉愁寂寂晚霞  
零亂讓他杏膩桃濃料理蝶猜蜂怨誰家玉笛吹散了  
冰魂千點最憐他春色江南半在野橋郵店

疎影

芭蕉

墻陰深處看亭亭綠映書窓圍住弄影消炎慣惹新涼  
晚翠細紋如縷愁心日暮還猶捲綴幾點流螢星聚憶  
燈昏好夢初圓細雨空階無據 最是夜闌人靜聽蕭  
蕭瑟瑟幾多離緒月蓼風蘋霧柳霜蓮同伴疎砧涼杵  
寒蟬啼到闌干角問此際悶懷何許剪秋陰寫徧新詞  
早又井梧零露

天香 茉莉

靈種誰移蠻航偶寄玉英迥出塵表暈展檀心輕鎔粉  
靨碧架紅蕊裝巧晚涼竹院愛乍識秋孌嬌小冰簟紗  
厨坐嬾人半簾麝裊 亭亭夕陽去早怯瓊梳斜簪髻

紗羅扇多情悶惹暗香空繞十二闌干凭遍怕別後  
郎夢縹緲誰惜餘芬秋風自老

一枝香 麝香

碎錦新妝傍朱闌乍霽閒庭餘霰攀枝旋展小折瓊瓏  
花片東風信早甚先占春光如綫還自把綃帳輕圍留  
與梅花爲伴 低徊綺疎寒淺歎廬山夢杳偶教人見  
微微弄影香到紅粧枕畔芳心未縱惹多少綠窓繡綵  
深夜靜細雨殘燈別添冷艷

玉漏遲 鴈

莽秋雲一片征鴻點點夕陽無數影落樓頭拋下一天

疎雨望斷巫峯十二但滿眼蘆花風絮驚歎處玉關衰  
草江南烟浦自顧尙是漂零甚錦字堪裁異鄉相遇  
倚遍危欄贏得悶懷千縷空寫一行古篆漸移過風窓  
月戶歸路阻今宵夢魂同苦

霜葉飛  
落葉

洞庭波起芙蓉冷涼風吹動林杪一天爽氣逼亭臬頓  
送繁華杳聽械械紗窓撼曉遙峰如沐青螺小漸幾縷  
殘陽遠映取丹楓點點暮寒留照還念倦客天涯驚  
心物候感懷應是偏早茂陵風雨自年年賸有哀蟬調  
吟不見枯楊腐草荒臺廢壘無人到望故鄉雲山外霜

葉飛來空庭誰埽

浣溪沙

桃源早發

淡月微黃雨乍晴  
征衫初試馬蹄輕  
關情柳絮舞郵亭  
芳草已非裙帶綠  
遠山猶是黛眉青  
故園冷落木香

屏

木蘭花慢

題閨秀宋逸仙遺詩並瑤池宴樂府逸仙宋南園先生女適崑山李某李應燕幕聘賓主不治卒于僧舍逸仙悲恨得夢兆前身係瑤天洞主即凡亦云爾乃填瑤池宴樂府未終稿遽卒

印釵痕細卷應還是步虛聲  
念韻冷琴絲香銷蘭篆早  
斷閱情徘徊故鄉帶水但臨風詩思白雲橫  
題迴枕邊

屏紙付他子夜哀箏  
葳蕤香夢怯寒輕  
昔昔見前身  
歎塵劫茫茫儂寧是我幻影  
三生層城玉樓何處碧沈  
沈涼月掛秋冥  
舊日雲英應在瑤臺同證前盟

鳳凰臺上憶吹簫

河東君遺像

夢冷金環香消翠管傷  
心舊日高樓記東山酬和隔歲  
淹留一幅生綃誰寫春風裏  
還自凝眸牽情處柳花如  
夢煙月空愁  
悠悠脂奩硯匣經幾度斜陽烟靄雲浮  
悵鴛湖畫舫同笑牽牛自與尙書別後千萬事總合長  
休端詳久紅顏俠懷真是風流

繆

謨

字虞臯江南華亭人  
貢生有雪莊詞二卷

南浦 春水用山中白雲詞韻

水泮一痕沙暖溶溶樓外無邊春曉熨得殺紋平風吹  
過又被垂楊輕掃相思字盡碧天鴻斷汀洲小三十六  
陂酥雨足南北東西烟草 一泖瀉出杯中蘸吳天疊  
疊峰青米了畧徇曲通郵無人處也帶落紅流到前裙  
散後桃花隔岸柴門悄半晌銷凝斜照外過去畫船多  
少

東風第一枝 春雪用梅溪詞韻

澹薄花天淒迷筍徑因風捲盡輕暖未催萬萼紅深早  
教數峯翠淺飛飛又住引鳳子春魂俱軟問去年錦悵



嬌歌怎似者回鶯燕 清尙在小鑪蟹眼寒不到隔樓  
酒面待楓瘦帖蘭亭重抽秘思竹苑遠將楚曲細灑入  
泠泠琴綫怕玉真一霎偷回釐許老梅窺見

祝英臺近

黃浦阻風同幻花作

舫裝書亭問字別棹熾南浦

是日先訪焦南浦先生故有問字之句

古岸

無人草色帶烟暮不知立浪排天飛濤春枕却相亂暗  
郵鐘鼓 去程悞只怕月黑潮渾潛虬夜來舞未許呼  
風長嘯亂流渡借他拳鷁機邊又魚艇畔拚一目倚蓬  
吟苦

又

是夜放船霽色可歡且喜明日得晤南陽伯仲  
再同幻花作

月銜金雲擘絮吹盡一江雨不了空明柔櫓撥星去任  
他波濤翻鷗籬疎吹犬要移到有花邊住 渺何許夜  
凉人立船頭浮過幾重樹先喜明朝摩眼石林句更圖  
藍尾傳杯紅牙按拍門頭坐玉壺深處

一枝春

戊戌奉和幻花盆梅之咏子與幻花同客  
京邸者二載昨歲先後歸里吟寫歡笑情  
見乎詞

土炕氈帷記年時苦憶江南春意如今一笑儘共小窓  
吟對西湖秀句 西以有鶴難借隱東園無人不入官硯  
真都下咏盆梅詩句也二作一時傳語  
又重喚弄珠人起知幾夜斗帳清寒夢到斷橋流水

子  
黃昏畫屏閑倚覺蕭然淡遠不知塵世前郵漫訪已是

雪深無地高情自許素琴弄月明風細遠只怕吹出幽  
香有人尋至

洞仙歌

幻花于西溪之雲心閣援琴鼓鶴舞洞天  
曲而鶴舞他日又鼓則鶴又舞殆非偶然  
也予見而異焉欲紀以詩閱數十年未成  
頃流花翁爲撰此解而序之幻花旣荅之  
各極精妙矣予復強爲云云何耶憶後矣

洞天何處在冲虛懷抱不在方壺與員嶠甚青田雙羽  
舞出冰絲便抵得世外知音多少年來持半偈琴也  
慵彈留得梅花兩三調別久憶西湖鶴去亭空想送影  
月明華表試說與揚州夢中人又惹著蘇門半空鸞嘯

周

本

字心涵吳  
江人請生

壺中天

張幻花移居珠街俗名朱家角

湖山環映喜飛塵不到翠陰庭宇筆硯圖書看位置雅  
稱竹牕松戶冒雨移花衝炎徙石總是幽閣趣同心客  
至及時菘韭隨煮 遐想貞白高風層樓上下絕勝藏  
春鶯幾片白雲聊自悅掃卻珠歌翠舞擇木珍禽知時  
異卉也愛風流主梧桐陰滿鳳雛聲在深處

陸

烜

字蝶厂平湖人有夢影詞三卷

陳太暉云夢影詞以白石之清勁兼玉田之深婉牛香真色在離卽之間

醉花陰

和漱玉詞

冷苑碧梧深午晝蘭篆銷香歇無語自悲秋萬種相思

此味嘗應透 雁聲不到車鈴後  
珠淚空沾袖 莫上最高樓  
落照蒼茫人遠 青山瘦

點絳脣

困倚紅樓玉簫懶 唱黃金縷  
燕鶯來去寂寞梨花雨

心似春蠶到死還多緒  
愁何處短長亭樹鬢影鞭絲路

滿庭芳

和淮海詞韵

細雨吹絲清波滑 笏綠楊影裏重門日長  
人困寂寞對芳樽  
愁重不禁深酒穿簾幕  
柳絮纒紛紛鞦韆下  
小鶯啼破微月上花村  
銷魂休更問鴛鴦比翼形影難分  
只玉體宮砂一點猶存  
斷粉零香誰惜事去也春夢無痕

新添恨淚珠偷滴寶鑑已塵昏

畫堂春

紅襟小燕入簾初杏花春雨疎疎日長人困一愁無香  
冷金鋪 蛺蝶偷窺翠鬢東風故裊輕裙等閑妨了繡  
工夫細數花鬚

青門引

獨睡何曾穩聽徹銅壺漏冷荒雞初動欲三更梅花淡  
月扶上一簾影 舊時好夢難圓省臨別粧重整那人  
今夜何處繡羅巾上殘香剩

浣溪沙

淋鈴夜雨滴空堦洪子持囊夢仙姝所贈  
句也余取入浣溪沙歌之聲甚悽惋

好夢無端上玉釵仙人親見縷金鞍相思風味病情懷  
青鳥不來春竟去落花無主月長埋淋鈴夜雨滴空

階

滿庭芳

寒夜聽隣闌理曲

畫棟粘雲疎簾映雪夜寒深院誰家紅水一枕好夢破  
橫斜不道簷前鐵馬嘶風響怨入胡笳空凝竚淡烟流  
水春在玉梅花 堪誇又早是一輪明月移上窗紗似  
替人憔悴慰我年華縱有二杯醺醺乍禁得八拍琵琶  
憑傳語離鸞別鵠休拔小紅牙

夏叙典

字敷五嘉善人諸生有  
力軒遺稿一卷詞附

黃鸝遶碧樹

柳浪聞鶯

一片濃陰翠風欺烟惹密籠堤岸宛轉綿蠻漸爲兒試  
語好春將半暖飄絮影記前度雕鞍游倦重報是曲渚  
花深未許探芳心懶脉脉閒情自遠最消凝姓愁河  
畔亂絲緒怪金梭未織偏弄清婉閑裏醉吟重過問那  
得垂青盼不堪舊樹扶疎又逢春晚

玉漏遲

南屏晚鐘

爭門歸騎晚沙隄柳岸游塵如掃古寺霜鐘冷蕩碧天  
雲香帶月門敲竹裏是何處山僧初到驚冷峭飄來倦  
耳伴人舒嘯匆匆醉玉偎香被綠意紅情誤將年少



泥枕誰聽濃夢迷昏曉最是羈眠未穩待聲斷篝燈還  
照休自惱催得帶愁人老

夏宗沂

字爾臺江陰人有浣  
花集三卷詞一卷

浣溪沙

雨窓別意朝苴濱

暗別偷啼掩淚珠畫檐絲雨惜分初個人襟袖夜窗虛  
犬吠定疑微步至風聲應認隔簾呼孤帷會絮薄情  
無

小重山

獨宿舟中

垂柳絲絲映小橋黃昏無伴侶共春醪支離瘦影耐長  
宵寒燈動點點上漁船榜客夜喧潮旅魂驚不定月

條條疎鐘偏向客船敲涼月落蘆荻更蕭蕭

夏

葛字煥如嘉善人諸生有謙受齋詞一卷

瑞鶴仙

柳絲空自舞甚惹得春來又牽春去傷春定何許惱芳  
心端在送人南浦情絲幾縷應半入愁機恨杼記恁時  
蝶倦花醒繡閣翠圍香聚 知否鏡天鏡遠鎖月簾空  
吟魂無據銀箏新譜忍說到夜涼句悵冰奩未把玉釵  
暗折癩髓留痕乍補奈相望隔水盈盈謾聞笑語

渡江雲

重過梅花書屋因春首探梅不果故并及之

莓苔凝曉翠嶙峋瘳骨猶占小庭幽帶寒會醉訪未綻

香苞空把繡簾鈎，疎枝蘸雪恨，夢中不替花愁。風信銷  
麴塵新漲，千片已東流。重游荷盤翻露，竹尾迎涼過  
深蘭時候，更伊涼脆管，久斷西樓。好期三徑，開黃菊，伴  
淵明同賦。高秋留嫩約，還防又誤沙鷗。

轆轤金井

載花吟雪，舊風流紫燕，笑人心冷。倦倚瓊窗，試翻香溫  
鼎。芳襟暗點，奈酒薄不消春病。雲散情留，夢迷天遠，玉  
壺虛映。悠悠墜瓶恨，井記紅綃乍拂，碧唾猶凝。粉浣  
雕闌，更寒簾長凭。釵蟲半舞，對月桂慵粧，偏稱一紙蕭  
娘。三生杜牧，那堪重省。